


黑龍江輿圖說



黑龍江輿
圖說

癸酉季秋

遼海叢書

公舊



遼海書
社印行

黑龍江輿圖說

目錄

黑龍江總圖說
齊齊哈爾城圖說
黑龍江城圖說
墨爾根城圖說
布特哈圖說
呼倫貝爾圖說
呼蘭城圖說
呼蘭廳
綏化廳
入發庫門道
入喜峰口道

武進屠寄撰



黑龍江圖凡例

一境內山河無論支阜支流有名者十之九因地廣圖狹不能悉注今擇舊會典及乾隆圖武昌所刻大清一統圖所有山河盡數列入外其次擇新查出之尤有名者添入五十里分圖其餘具載十里方底稿圖以備稽考

一黑龍江之左外興安嶺之陽自安巴格爾必齊河東至畢占河本咸豐八年前中國舊地遵館章繪入示不忘本今特別之曰舊界一黑龍江左岸山河舊圖未經確查形勢方位多有未合前使臣洪鈞所譯界圖形勢方位合矣而譯音與舊圖稍殊今圖形勢方位悉依界圖其譯音仍從舊會典等圖至舊會典等圖所無之山河而界圖有者酌依界圖蓋界圖所譯之名十九皆本地索倫蒙古舊名不盡由彼國別自命名

如結雅二字仍是精奇里三字變音特以俄國人譯索倫語不能無稍差

中國人轉譯俄文圖又不能無稍差輾轉遞譯音遂有變字更不同耳

黑龍江輿圖說 凡例

遼海叢書

一大小格爾必齊河皆在黑龍江未會額爾古納河上游舊圖誤以阿瑪匝爾河爲格爾必齊河今特依界圖更正

一黑龍江左岸自咸豐八年以後彼國經營日新月盛屯站電線官署兵房未便列入中國圖中今仿魏收志地形詳北齊略後周之意悉在刪除之例而底稿圖中則仍詳載以備參考

一黑龍江之左外興安嶺之南地既遼闊路又險阻且在界外未便深入查繪今就彼國濱江站道行旅易至之地悉心詳繪而江左照約留駐之旗屯五十五所尤詳細繪入十里方底稿圖

一黑龍江本極邊防戍之地自國初以來分設將軍都統總管城守尉大抵有分兵無分土而布特哈專轄牲丁其牲丁所至之地皆布特哈總管應巡查之地故外興安嶺鄂博向歸布特哈巡查而遜河等處鄂倫春亦歸管轄故布特哈舊日所轄之地最廣與各城本無一定之界自光緒間改總管爲都統其舊轄之鄂倫春分

隸黑龍江墨爾根呼倫貝爾三城於是六城分地稍有界限今圖所定者是也然打牲部落本依山林逐禽獸爲生計與蒙古逐水畜牧相類歷時既久禽獸水草既盡不能無稍移徙不比內地農民以田產爲土著故今所定六城之界亦不能無稍出入卽詢之士人彼此亦難確指一定之界也

一嫩江自溫托昏站以南已入內蒙古杜爾伯特旗札賚特旗境松花江自札喀和碩臺以西左岸皆郭爾羅斯後旗境然名山大澤不以封故舊會典圖仍繪全形說則從略竊謂迤南五站皆瀕嫩江迤東四臺皆瀕松花江雖云借設然各撥有耕牧實地四圍十里今之說水是休臺站故嫩江則直窮其流松花江則西自茂興南之三岔口東至黑龍江會口並列入總說

一布雅密河以東吉林於松花江左岸借設五站故舊會典圖載此段松花江於吉林揆之主客之義有似喧奪況吉林站界東北至

屯河右岸之古木訥城而舊會典自屯河以東至必占河悉畫入吉林三姓界者誤也今特更正然吉林五站與黑龍江原築之封堆歲久湮沒其迤北定界至今兩地守土官爭執未已今圖界線亦止大概而已

一額魯特依克明公一旗自準部平定遠來投順雍正初安置於齊齊哈爾莽奈岡東北跨湖裕爾河兩岸設莽奈喀倫防範之故俗呼莽奈公無印亦無札薩克字樣故歸將軍衙門管轄與各旗內外蒙古管於理藩院者不同現在漸丁百餘戶其牧地借在齊齊哈爾布特哈兩間亦未劃清故今圖仍繪入齊齊哈爾城圖內其所管蒙屯仍星散列入大約在納木爾河以南巴貝以北柞樹岡以西來可屯以東然至到究未便列入圖說

一自開墾呼蘭綏化兩廳荒地後燕齊遼左客民北來者衆重以採參開礦五方雜處舊圖所列山川溝澮各以漢語土呼之稱隨意

指目而本地齊呼兩城旗丁既漸忘國語不識滿文亦復從而稱之今圖特兩名並存以資參考

一國初疆土初闢多置喀倫既防逃人亦爲搜貂皮而設近年客民之禁已弛貂皮之產亦稀齊蘭布墨四城喀倫久廢惟黑龍江北界俄羅斯光緒間瀕江右岸添設喀倫呼倫貝爾北西南三面兼與內外蒙古接壤除原設喀倫外近亦添設多處今圖悉依現在者列入其已經廢棄確知地望者以廢字別之

一臺站既附總說之末其名當注入總圖但地廣圖狹礙難填寫不得已於總圖僅作記號於分圖詳注名稱

黑龍江總圖說

黑龍江黑龍江將軍鎮守齊齊哈爾城齊齊哈爾副都統同鎮守焉
在吉林北一千有七十二里西南至京師三千三百七十七里領屬
城六廳二齊齊哈爾城東南爲呼蘭城呼蘭廳綏化廳其北東布特
哈又北東墨爾根城又東北黑龍江城其西北呼倫貝爾城全境起
北京偏西經一度有四分東暨東經十八度五十有二分北緯四十
五度十五分并茂興站計北暨北緯五十五度三十七分南北縱二千有
六十里東西廣一千五百七十里東南至西北袤二千一百四十里
西南至東北袤二千四百六十里東至黑龍江松花江會口千二百
二十里吉林界南至茂興站南四百十五里內蒙古郭爾羅斯後旗
界西至哈爾渾河五百八十五里外蒙古喀爾喀車臣汗界北至外
興安嶺吉魯河源一千六百六十里俄羅斯國舊界東南至布拉克
臺南松花江吉林界東北至外興安嶺西林穆迪河源鄂博一千八

百四十五里俄羅斯國舊界西南至嫩江與雅爾河會口一百有五
里內蒙古札賚特旗界西北至額爾古納河與黑龍江會口一千有
二十四里右岸俄羅斯國界至安巴格爾必齊河與黑龍江會口一
千有五十三里俄羅斯國舊界以上疆域山分南北二幹南幹統名
內興安嶺其脈自俄羅斯薩拜喀爾省之捏爾臣斯克嶺即尼布楚
嶺來自額爾古納河與黑龍江會口伏渡入界迤南起頂爲治吉察
山東經五十二度北緯五十二度亦作雉雞場山山之左額穆爾瑚瑪爾諸大河所出
山右伊穆河漠河出焉迤而南起頂爲伊勒呼里阿林東經五十五度北緯五十五度
河出其西北嫩江出其東南實墨爾根黑龍江呼倫貝爾三城之大
分水嶺也多草木饒禽獸索倫鄂倫春畢喇爾諸部人倚以爲苑囿
即北史所謂室韋欠對山隋書所謂次對山也自此內興安嶺分爲
二幹其一迤東二百二十四里結爲平岡東經九度二十分北緯五十一度三十分南爲

喀羅爾源所出其北呼爾哈河出焉則折而南為庫穆爾室韋山又南起頂為庫穆爾哈達

東經十度北緯三十度

又南迤西起頂為東興安嶺

東經九度五十分北緯四十九度三十分嶺東之水皆流入黑龍江遜河為最大嶺西之

水皆流入嫩江謨魯爾和羅爾二河為大又東南山漸平衍高可五

六十丈凡四百五十里起頂為木庫山

東經十一度北緯四十八度

松樺雜樹陰

日參雲則迤而東南起頂為布倫山

東經十一度北緯四十七度五十分

漢人呼為

大青山亦名小興安嶺其西南麓納穆爾源出焉東北為科爾芬源

其南為呼蘭源實呼蘭黑龍江布特哈三城之分水嶺也又東二百

二十四里鬱為樹海曰吞窩集

東經十三度北緯四十八度

車馬道絕是生豐貂

唯索倫人游獵其中迤而東南起頂為哲溫山

東經十三度北緯四十七度三十分

分哲溫之合音近占國語數之十也語謬為札伊其陰札伊河出焉

其陽烏爾都魯諸河之源也大產金自此邇迤而東土岡起伏曰佛

思亨山金史所謂阿斯溫山又東南伏渡松花江入吉林三姓界為

納丹哈達拉國語七峯金史所謂令撻刺山也伊勒呼里阿林其幹

西南行者起頂為伊克呼里阿林

東經六度北緯五十一度

譯言結實松子山語

譌雅克山蒙古人呼為伊克古克達猶漢語大嶺也多布庫爾河源

出其左特勒布爾河根河源出其右迤西南起頂為特勒庫勒山

東經

五度三十分北緯五十五度三十分

諾敏河出其左伊圖里河庫勒都爾河海喇爾河

源出其右又西南起頂為興安嶺

東經四十八度四十六分北緯四十八度五十一分索倫人呼

為達巴庫即北史隋書所謂貳勒山嶺東之水皆流入嫩江阿倫雅

爾綽爾三河為大嶺西之水札敦河為大又西南起頂為阿魯塔爾

奇嶺

東經四十八度北緯四十八度

阿魯蒙古語山陰也塔爾奇即特爾根之對音蒙

古語車也山木中車材因以為名古黑車子室韋所居迤西南九十

里有室韋山又西為特爾根山又南起頂為哈瑪爾山

東經四十七度北緯四十七度

二十分哈瑪爾蒙古語邊界蹤跡也又西南山勢挺峙旁無連峯曰索

岳爾濟山索岳爾濟蒙古語端坐也內興安嶺自伊勒呼里阿林蜿

蜿蜒西南行數十起伏至此盤結爲峻阜高可九十丈周可百餘里四顧羣山皆培塿若端坐而受其朝者故名唐室韋塞曷支部實居之塞曷支即索岳爾濟之對音洵爾河桂勒爾河出其東南訥墨爾根河出其西北色野爾濟河出其西南山顛有五鄂博焉呼倫貝爾布特哈科爾沁烏珠穆沁喀爾喀以此山爲界分各累石祭神期以五月數百里內車騎畢會嚴不敢呼其名謂呼則風雨驟至其餘脈直至直隸承德府矣北幹統名外興安嶺嶺南舊屬中國黑龍江嶺北屬俄羅斯國雅庫其脈自俄羅斯國西悉畢爾部雅庫次克之阿爾坦山來由安巴格爾必齊河源入界東經一度三十分北緯三十分迤而東起頂爲索勒闊痕山東經六度北緯十三度鄂爾河源出焉又迤而東北有石峯凡六起頂爲朱格朱爾嶺東經十三度北緯五十五度又迤而東北有石峯齊老之對音亦作省羅又作奇老蒙古語石也又南迤東起頂爲雅瑪嶺即古胡布山也東經十七度北緯三十三度又南迤東起頂爲雅瑪嶺即古胡布山也安巴之對音國語安巴大也亦作昂邦又作安班有二水出焉北曰

西林穆迪河南曰牛滿河又迤而東南起頂爲都薩阿林阿凌河出焉東經一十八度四十三分北緯五十二度四十四分迤而西南起頂爲楊山即布連斯奇嶺東經十七度北緯五十五度賽拉穆河出其西麓又西南爲畢占窩集其東南一脈入吉林舊界爲完達山語譌爲王達金史謂之完都魯亦曰桓篤遼時常遣使障鷹於此山所謂完睹路也此皆黑龍江左岸之大分水嶺也咸豐八年與俄羅斯國重議和約畫江爲界凡外興安嶺以南黑龍江之左原駐旗人五十五屯依舊留駐外餘地悉入彼國名爲阿穆爾省焉以上山水則以黑龍江嫩江松花江爲經流而呼倫貝爾西南之水又以呼倫池爲總匯黑龍江源出外蒙古喀爾喀車臣汗部中後旗小肯特山之西北即元祕史所謂不兒罕合勒敦山今亦作布爾空哈勒都那水之上游曰敖嫩河亦作鄂諾蒙古語狼也即元史所謂幹難河東北流五百里許自阿勒斯特鄂博之西入俄羅斯國薩拜喀勒省界折而北右合溫達河左合音果達河又折而東

北流左合尼布楚河又東北流彼國呼爲石勒喀河國語呼薩哈連烏喇譯言黑龍江北史所謂完水唐書所謂室建河舊書所謂望建

河望建即莽監之對音國語青太平寰宇記所謂烏桓水金史所謂也北人謂黑爲青故曰望建

石里罕河一作石里很元史所謂撒合兒兀魯也室建石里罕石里

很撒合兒石勒喀皆薩哈連變轉之聲兀魯烏喇對音譯語無正字也又東北流百四十里許左納安巴格爾必齊河即鄂爾闊奇雅河入中國黑龍江城舊界左岸有滿漢蒙古喇第諾四種文界石國語曰額爾登額倭赫又東北流五十里左納阿吉格格爾必齊河阿吉格國語小也又東流二百五十七里額爾古納河東北流來會會口左岸有額爾登額倭赫又東流七十五里右納察爾巴奇河即薩坡什喀河又東迤北流二十里右合阿瑪匝爾河又東流三十五里左納烏爾堪河又東迤南流三十里右納謨河即墨河亦即漠河又東南流三十五里左納烏勒爾喜河又東南流三十里左納鄂爾河即

烏魯赤河折東北流七十五里左納鄂爾多昆河又曲曲如弓東南流百二十里左納利威爾河又東南三十里左納烏爾蘇河又東南流十五里逕雅克薩城西南右合額穆爾河又東南五十里右納旁烏河又曲曲而東百有十里左納波羅穆達河又東折而西南又折而東北流百六十里左納額爾格河折而南四十里又折而東二十八里左納爾巴爾坦河又折而南二十五里左納托羅河又曲折如弓南流百餘里右納烏庫爾河又東三十里折西南十五里左納鄂嫩河又曲曲東南流百四十里左納洵斯河又東南四十五里瑚瑪爾河東北流來會又東南七十里作一大曲形如弓字凡二百六十里曰烏魯蘇穆丹譯言重彎也曲處左岸有烏魯蘇穆丹故城國初索倫庫爾喀部人博木博果爾所據之城也又東南流百里右納滾河克拉克魯倫河右納布蘭河又東南流三十里左納固蘭河額蘇里河折而西南流逕額蘇里城西又西南流五十五里逕哈喇泊

西哈喇蒙古語黑也語譌爲海蘭泡今漢語呼爲黑河俄羅斯人呼爲布拉郭威什臣斯克折而西南又折而東北流五十里逕黑河屯北海蘭泡南又東精奇里江合西林穆迪河西南流來會又東迤南流七十里逕愛琿故城西黑龍江城東又南流二十五里右納坤河又東南流五十五里逕特爾德尼城北折東流五十五里逕札喀蘇城南札喀蘇蒙古語魚也蓋元時打魚水達達故城國初畢喇爾部人所據又東五十里左納謨里爾克河右納遜河又東左納博屯河又南迤西折而東七十里右納科爾芬河又東南三十五里右納喀達罕河折而東北流七十四里牛滿河西南流來會又折東南流九十里左納哈拉河又東南二十里右納烏伊河又東南百三十里左納果爾幹努喀訥河塔拉木河喀惹努河庫木努河右納喀達爾奇河尼堪河安河折而西南五十里右納福河又折而東南五十里左納上珠春河右納薩里巴什河折西南二十五里右納札伊河又折

而東南左納下珠春河格林河右納烏勒敏河又折西南四十里迤而南百十有五里左納庫魯河右納集達河又東南七十五里斐爾法鄂模水東北流來注之又東迤北百十有五里左納畢占河又東迤南五十里逕奧里米東故城北松花江東北流來會又東北流入吉林界嫩江亦曰諾尼木倫魏書謂之難水唐書謂之那河亦卽狂越河遼金史謂之鴨子河元史謂之孫河亦謂之納兀河又謂之惱連水或謂之那江祕史謂之納浯江明一統志謂之腦溫江源出墨爾根城伊勒呼里山東南流二百里左納額勒赫肯河迤而南流三十里右納喀奈河又南迤東流二十里左納喀羅爾河又東南流九十里左納鄂多河又南江中有九狼石國語曰烏云倭和沃赫水流成灘凡十五里迤南流七十五里右納喇都里河又西南流六十五里右納多布庫爾河自此西南流右岸入布特哈境三十五里右納歐肯河又西南流百七十里兩岸皆山水行曲折如弓曰達巴爾罕

穆丹又南流左納謨魯爾河又南流三十五里逕喀布齊老哈達東麓左納和羅爾河又西南流四十里附墨爾根城南下右納甘河又西南七十二里逕伊拉哈站西三十五里左右岸皆入布特哈境又西南流百有五里逕舊布特哈總管府之東府所在即金源長春邊堡起築地所謂達里帶石堡子也

達里帶女真語譯言有盤石

迤而東南流二十

里逕布特哈即博爾多站西二十二里又南流三十里左納納穆爾河又南迤西流三十里諾敏河東南流來會又西南流三十二里右納楚勒嘎勒河入齊齊哈爾境又西南流八十里右納阿倫河又西南流二十四里右納音河又東南流二十里逕齊齊哈爾舊城東又西南十二里逕齊齊哈爾城西三里而下又西南流四十五里逕富勒爾濟屯南十有八里逕溫托昏站西東岸入內蒙古杜爾伯特旗界自此南流逕多耐站塔爾哈站西凡百八十三里又南流逕邵爾和爾坡之西東岸入內蒙古郭爾羅斯後旗界又南二十二里逕古

魯站西又西十一里洶爾河匯爲納喇薩喇畢爾騰自札賚界東流來會又南流七十里東溢爲吳蘭諾爾又南二十八里折東南六十四里逕茂興站南郭爾羅斯牧地之金肇州故城南松花江自吉林伯都訥城西北流來會松花江國語曰松嘎里烏喇譯言天河明一統志語譌爲松花即古速末水也亦作粟末或作涑沫遼金史謂之混同江金史亦號黑龍江或曰宋瓦江元史謂之烏剌江祕史謂之活刺江源出長白山顛他們泊西北流逕吉林府城南又西北逕伯都訥城南又逕其城西又西北流至金肇州故城南與嫩江會土名三汊口金史所謂爻刺春水之地也既會嫩江松花江折東北流二百二十四里逕郭爾羅斯後旗牧地黑龍江借設之博爾濟哈臺察布齊爾臺鄂爾多圖臺布拉克臺又東北流六十八里逕札喀和碩臺南右納吉林之拉林河即金史來流河元史刺憐河左岸入呼蘭城界又東北流八十四里右納吉林之阿勒楚喀河即金史按出虎

水又東北流十一里左納呼蘭河又東北流三十二里右納匪克圖河卽金史匹古敦水又北迤東流七十六里左納碩羅河又東逕呼蘭廳南迤而南流二十八里右納吉林之察巴拉河又北東折而南又折而東流百餘里右納吉林之色勒站溝子又東流四里左納察罕泊水又東流二十四里左納布雅密河松花江既納布雅密河又東流八里右納海倫固爾河卽金史海古水亦作海姑又東流百二十八里右納吉林之瑪顏河卽金史僕鶯水遼時五國蒲聶部卽盆奴里部所居也左納西林河又東流六十四里右納吉林之拉格里河又東北流九十二里右納吉林之瑚爾哈河卽唐書渤海忽汗河遼史幹朗改金史鶻里改里一作胡里改路之水元史所謂胡里改江也又東北十二里逕三姓城北右納吉林之發爾圖渾河亦曰歐肯河左納巴蘭河又東北流八十四里屯河卽吞河東南流來會自布雅密河以東至吞河會松花江口之固木納城吉林沿江左岸借

地設站五曰佛思亨次東曰富拉犖次東曰崇固爾庫次東曰鄂勒郭本索最東曰廟噶珊松花江既納吞河又東北流二十八里右納吉林之鄂恰河又東北流四十里右納吉林之音達穆河又東北流四十里左納富爾潤河又東北流三十六里左納烏爾河又東流八十四里左納都爾河右納吉林之安巴河又東北流五十二里右納吉林之喀勒建河又東北流百四十里逕奧里米故城東北與黑龍江會呼倫池蒙古呼達賴諾爾卽唐俱倫泊元史闊濼海子祕史闕連海子亦呼合泐澧海子在呼倫貝爾副都統駐防西二百七十二里東南鄂爾順河來匯東北達賴鄂羅木河西南克魯倫河並來會池形如瓠南北徑八十里東西廣八十二里東南至西北袤六十里西南至東北袤百二十里周可三百六七十里大產魚池底潛通海眼故朔望子午有潮信受衆水而不溢不竭唐書稱室建河出俱倫者傳聞之誤也以上水臺站站分南北兩路自齊齊哈爾城下魁站

起西南六十里至特木得黑站又西南七十五里至溫托昏站以上二站

在齊齊哈爾城界內又南七十五里至多耐站又東南七十五里至塔爾哈站

以上二站借內蒙古杜爾伯特特界內置又南七十里至古魯站又東南四十五里至吳

蘭諾爾站又東南四十五里至茂興站以上三站借內蒙古郭爾羅斯後旗界內置又東

南六十里渡嫩江松花江合流之三岔口入吉林界又四十里至伯

都訥站自卜魁至茂興七站南路段官管理凡五百四十五里又自齊齊哈爾城卜魁

站起東北六十里至塔爾哈站又東北八十里至寧尼顏站以上二站齊哈爾城界內亦官管理又東北九十五里至拉哈站又東北六十五里至博

爾多站即布特哈副都統駐防之地又東北四十三里至喀迷喀站

以上三站在布特哈界內又北四十二里至依拉哈站又北七十五里至墨爾根

站折東北七十五里至和羅爾站又東北七十八里至喀爾塔爾吉

站以上四站在墨爾根城界內又東北八十里至庫木爾站又東北三十五里至

額裕爾站又東北七十五里至薩哈連烏拉站以上三站在黑龍江城界內自拉哈至此

凡十站北路官管理又東北二十二里至黑龍江城凡八百二十五里臺分

東南西北兩路東南至呼蘭者凡七臺皆南路站官兼管自吳蘭諾

爾站起東南九十里至博爾濟哈臺又東八十里至察布奇爾臺又

東六十里至鄂爾多圖臺又東四十五里至布拉克臺以上四臺借郭爾羅斯後

旗界內置又東六十里至札喀和碩臺又東八十里至呼蘭臺又東八十

里至新安臺以上三臺在呼蘭城界內又東七十里至呼蘭廳治之巴彥蘇蘇凡

一千一百七十五里西北至呼倫貝爾者凡二十臺由呼倫貝爾副都統派筆帖式

二員委筆帖式二員分理自齊齊哈爾城卜魁站起西北五十五里至七家臺又

四十五里至甘井子臺又五十里至那木希臺以上三臺在齊齊哈爾城界內又四

十三里至木爾滾楚臺又五十里至和尼必喇昂阿臺又三十里至

和尼必喇臺又三十五里至錫伯爾哈里臺又四十里至巴林臺又

五十里至嘎爾甘哈達臺又四十里至雅爾博克圖臺以上十臺在布特哈界內

又五十里至伊勒克特臺又四十五里至呼爾格勒依臺又五十里

至們都克依臺又西六十里至札敦必喇雅克薩臺又西五十一里
至喀勒和碩臺又西六十二里至札喇木台臺又西五十二里至哈
克鄂模臺以上七臺在呼倫貝爾界內又西六十里至呼倫貝爾凡八百七十二
里又自呼倫貝爾起北六十里至博霍托臺又北百里至依爾該圖
臺又北六十里至西訥爾布拉克臺以上三臺在呼倫貝爾界內咸豐七年置專遞中外交涉公文
又西五十里至庫克多博喀倫凡二百七十里渡額爾古納河至俄
羅斯薩拜喀爾省之舊粗魯海圖站以上臺站

齊齊哈爾城圖說

齊齊哈爾城周秦漢濊貊之地後漢三國魏屬夫餘國北境晉寇漫汗國後魏北齊豆莫婁國地西南本屬涉羅國始光中涉羅爲百濟所并當屬百濟國尋屬勿吉隋靺鞨黑水部唐黑水靺鞨地嫩江以西屬室韋五代遼屬烏隈于厥部嫩江以西屬長春州北境金上路肇州北境蒲與路西南境其西屬泰州元初乃顏大王分地至元中屬浦峪路屯田萬戶府明置拜苦衛又於境內錯置可吉河納穆河阮里河牙魯阿倫葛稱哥古魯兀刺忽兀討溫諸衛及兀討溫所國初達呼爾錫伯卦勒察諸部弋獵游牧之地康熙二十三年設火器營參領暫守三十年賞打牲總管副都統銜暫守旋額設城守尉三十七年裁城守尉移墨爾根副都統來鎮三十八年黑龍江將軍亦自墨爾根來鎮守以上沿革東經七度一分北緯四十七度三十分十四秒夏至日出寅正初刻七分四十秒日入戌初三刻七分二

十秒晝長六十二刻十四分四十秒夜長三十三刻有二十秒冬至日出辰初三刻七分二十秒日入申正初刻七分四十秒晝長三十刻有二十秒夜長六十二刻十四分四十秒以上天度全城轄境起東經六度九分東暨十度四十六分北緯四十六度四十二分北暨四十八度三十六分南北縱二百二十一里東西廣五百九十五里東南至西北袤二百二十七里西南至東北袤三百有三里至京師水程無陸程三千三百七十七里縱距京師一千四百七十七鳥里橫距京師一千有七十五鳥里斜距京師二千二百三十三鳥里又十分里之二東至納敏河源四百八十三里呼蘭城界南至瑚裕爾河南封堆七十三里內蒙古杜爾伯特旗界西至雅爾河一百二十里內蒙古札賚特旗界北至納約特溝百五十里布特哈界東南至瑚裕爾河五十五里內蒙古杜爾伯特旗界東北至納約特溝源一百五十四里額魯特旗伊克明安公附牧地界西南至嫩江雅爾

河會口百有五里內蒙古札賚特旗界西北至金源長春邊堡百六十里布特哈界以上疆域城東北三百十三里有察勒哈瑪圖山其脈自布特哈吉勒嘎爾山來在瑚裕爾河之北河南有喀爾喀勒圖山高五十丈土岡也又東北起頂爲巴彥蘇古山東經十度三十分北緯四十八度十分迤而東南起頂爲布倫山其山高大通肯札喀克音納敏四河出其西南東經十度三十分北緯四十八度十分其餘脈西南行者曰烏喇猛安山東經十度二分北緯四十七度一分曰海倫山東經九度五十五分北緯四十七度一分南行者曰綏楞額山東經十度二分北緯四十七度一分皆培塿也以上山水則嫩江自寧尼顏站北既右納楚勒嘎勒河入境西南流二百四十五里右納雅爾河西岸入札賚特旗界折東南爲喇嘛灣右納綽爾河逕溫托昏站西東岸入杜爾伯特旗界其右岸本城境內所納之水最北者曰楚勒嘎勒河自布特哈入境東南流六里注於嫩江次南曰阿倫河自布特哈東南流五十里迤而南二十里逕穆庫喇蘇台西注於嫩江次

南曰音河金史謂之顏河二源自布特哈穿金源邊堡入境至那木希台西北而合東南流九十一里隱見不常逕齊齊勒爾屯西南七家台東北又東南流二十八里注於嫩江次南曰庫庫勒河源出城西偏北八十五里之廉家岡東南流分爲二支一東流十六里折而東流三十八里逕富勒爾濟屯之東注於嫩江其一西南流二十八里與科爾奇勒河合又迤而南流三十三里是爲庫庫勒河又東南流十二里注於嫩江次南曰雅爾河自布特哈分三支入境北支曰科爾奇勒河東南流分爲二先後與庫庫勒河合中支曰奇克尼河東南流三十一里分而爲二又東南流三十三里逕果多城西南而合又東南十二里與雅爾河合南爲雅爾河正流南流四十一里有胡玉爾庫河自札賚特旗界東流來注之雅爾河又迤而東南流四十二里逕札賚特之哈代罕站東北合奇勒尼河又東南流十二里注於嫩江嫩江東岸溢出之水城西南四十六里有托勒河分爲四